

Visoki predstavnik i specijalni predstavnik EU Inzko sastao se sa ministrom vanjskih poslova Njemačke Westerwelleom



Visoki predstavnik i specijalni predstavnik EU, Valentin Inzko, sastao se danas u Sarajevu sa njemačkim ministrom vanjskih poslova Guidom Westerwelleom. Visoki predstavnik i specijalni predstavnik EU obrazložio je ministru Westerwelleu svoje viđenje trenutne političke situacije u Bosni i Hercegovini, osvrnuvši se na konkretna pitanja, između ostalog, ispunjenje uslova za liberalizaciju viznog režima i reforme u vezi sa procesom evroatlantskih integracija.

“BiH nije postigla dovoljan napredak u reformama potrebnim za približavanje EU i ispunjenju programa ‘5+2’, što bi omogućilo zatvaranje OHR-a i transformaciju međunarodnog angažmana u Bosni i Hercegovini”, rekao je visoki predstavnik i specijalni predstavnik EU Inzko te izrazio nadu da će se nakon oktobarskih izbora politička klima okrenuti konstruktivnom političkom dijalogu, kompromisu i reformskom procesu, ukoliko BiH želi prevazići dugotrajni politički zastoje.

Visoki predstavnik i specijalni predstavnik EU Valentin Inzko zahvalio je ministru Westerwelleu za stalnu podršku koju Njemačka pruža naporima BiH vezanim za MAP i EU.